

Châng thlan: *Thupuan 14:6.*

Zirlâite tân:

Hriat tûr: Vântirhkoh pakhatna thuchah hi an hrethiam ang a, tâwpna huna “tûnlâi thu dik” nên a inzawm dân an hre thiam bawk ang.

Vei tûr: Pathian chu tìh a, zahna rilru an lo neih leh zual theih nân Pathian an hlâu thar leh ang.

Tih tûr: Hê thuchah hi khawvêl hnênah puangin, Pathian chu rorêltu leh siamtu a nih avângin chibai an bûk ang.

THUPUI THEN

I. Hriat tûr: Vântirhkoh pakhatnain a puan tûnlâi thu dik chu

A Vântirhkoh pakhatnain a puan tûnlâi thudik chu eng nge ni?

B Vântirhkoh pakhatna thuchah hi eng vângin nge tâwpna hun atâna “tûnlâi thu dik” a nih?

II. Vei tûr: Pathian hlauhna chu

A “Pathian hlâu” tih hi eng nge ni a awmzia?

B Pathian chuan khawvêl hi a siam a, khawvêl chung a rorêltu a ni bawk tih thû hian engtin nge amah hlauhna leh zahna min neih tûr?

III. Tih tûr: Thuchah puan darhna chu

A Eng tin nge rorêlna lo thlen tûr thû hi kan puan darh ang?

B Eng tin nge khawvêl leh a chhônga thil awmte siam an nih thû hi kan puan darh ang?

KHÂIKHÂWMNA: Vântirhkoh pakhatna thuchah hi khawvêlin a tawn tûr thuchah a nih avângin tûnlâi hun atâna thuchah nung leh mi zawng zawng huap vek a a ni.

INZIRTÎR DÂN TÛR

RAHBI 1—Chawk phûr rawh

BIBLE CHÂNG THLÛR BING TÛR: *Thupuan 14:7; Daniela 7:9–11, 26.*

THLARAU THANNA ATÂNA THU PAWIMAWH: *Pathian chibai bûkna hi thlarau lam nun laipui ber a nih chuan nî tin hian kan thlarau lam nun a châwm lian ang—kan tawngtai te, Pathian Lehkha Thû kan zir te, Pathian biak inkhâwm hona kan neih chângte hian phûrna kan nei bawk ang.*

ZÎRTÎRTÛTE TÂN BÎK: Vântirhkoh pakhatna thuchah hian Pathian chu “hlâu” tûrin min hrilh a. “Pathian hlâu” tihin a huam tel pakhat chu a awmpuina chang nia inhriatna a ni. I zirlâite thilungah he Pathian awmpuina chang nîa inhriatna hian eng tiangin nge an nî tin nunah nghawng a neih zâwt ang che.

Sawi hawn nân: Eng tiangin nge rorêlna thuchah hi mihringte chanchin kal tawhah hmeh bel a nih?

RAHBI 2—Zawng chhuak rawh

ZÎRTÎRTÛTE TÂN BÎK: Vântirhkoh pakhatna thuchah hi fuihna/zilhna thuchah pahniha inţanin, chu chu a hrilhfiahnain zui leh a. Fuihna thuchah hmasa zâwk chu, “Pathian chu hlâu ula, amah chu châwimâwi rawh u” (*Thup. 14:7, NKJV*) tih hi niin, hlâu tûra min hrilh chhan chu rorêlna a lo thlen dâwn vâng a ni. Fuihna pahnihna chu Pathian chu mi Siamtu a nih avânga “chibai bûk” tûr kan nih thû hi a ni a. Heta rorêlna leh thil siam thû a sawi hi eng nge ni a awmzia ni chiah le? Hêng thu pahnihte aţang hian eng zirlâite nge zir chhuah theih awm? Rorêlna leh thil siam thûa thutak awmte chu eng nge ni a, hêng thil pahnihte hian kan nî tin nunah pawimawhna eng nge a neih sawi la. “Rorêlna” leh “thil siam” a sawi zawm kher hi eng nge ni a awmzia?

ZIR ZÂUNA

I. Rorêlna thuchah chu (*Thupuan 14:7*)

“Pathian chu hlâu ula” tih thû leh “amah chu châwimâwi rawh u” tih thûte hian thuchah thuhmun a keng a. Pathian chu kan zah

hlê tûr a ni. Bible-in “Pathian chu hlâu ula” a tih hi puithûna âthlâk nêna inzawmna nei miah lo a ni a; amah chu kan hlauh/ ÷ih êm avâng a rawngbâwl tûr kan nih tih ngaihdân nê hi chuan a inang lo baw. “Pathian chu hlâu ula” tih ÷awngkam hi thufingah pawh kan hmu nual a, kan thil tih hrang hrangte hi Pathian chuan a hmu vek a ni tih hriatna nei tûra infuihna atân hman a ni tângpui (*Thuf. 3:7*). Ani chuan engkim a hmuh vek avângin a lak ata eng mah kan thup/zêp thei lo. Dik tak pheih chuan, hêng thumal pahnih—”hmû” tih leh “hlâu” tihte hi a ÷obul chu thuhmun reng (*yra/raah*) niin a lang.

A inzawm dân chu: “Ngâi teh, LALPA mitte chu amah ÷ihtûte chungah chuan a fu reng ÷hîn a (*Sâm 33:18*). Pathian chuan thil engkim, thil inthupte nê lam pawh a hmuh theih vek avângin rorêltu ni tûrin a tling: “Pathian ÷ih la. . . Pathian chuan thiltih zawng zawng chungah ro a la rêl dân sî a, thil inthup engkim, a chhia emaw, a ÷ha emawte pawh” (*Thuhriltu 12:13, 14*).

Bible-a “châwimâwi rawh u” tih thu kan hmuh hian Hebrai thumal, *kabod* a kâwk a, chu chu “rit” tihna a ni. Chuti a nih chuan vântirhkoh pakhatna thuchah hi kan sâkhuaa “thil rit dah” (“la thutak”) tûra sâwmna a ni kan ti thei ang. Hê sâwmna hi siam âwm tak a nihna chhan chu rorêlna nî lo thlen ngei dân vâng a ni. Chutih rual chuan, vântirhkoh pakhatna thuchah hi “Pathian rorêl hun” lo thlen tâk thu puanna ringawt a ni chuang lo; fel taka nung tûra sâwmna thû pawh a ni tel tho. A châng dawt lehah pawh hian Pathian thupêkte zâwm ÷hîn “mi thianghlimte” a sawi lang leh baw a ni (*Thup. 14:12; Thuh. 12:13*).

Ngaihtuah teh: Eng vângin nge rorêlna lo thlen thû hi chanchin lâwmawm a nih le?

II. Thil siam thu (*Thupuan 4:11; Sâm 95:6, 7; Sâm 100:3*)

Bible-in a sawi dân chuan Pathian chu lei leh vân siamtu a nih vâng a chibai bûk tûr awm chhun a ni a. Nehemia bû-ah

chuan Israel mîten Pathian chibai bûkna tûr chhan chu Siamtu a nih vâng a ni: “LALPA, nangmah chauh hi LALPA i ni a, vânte, vânte vên leh a chhônga awm zawng zawngte nê . . . i siam a. Vâna awmhote chuan chibai an bûk tshin che a ni (*Neh. 9:6*, NKJV).

Hetiang chiah hian Thupuan Bû-ah pawh sawi leh a ni bawk. Upa 24-te chuan Pathian chibai an bûk chhan ti hian an sawi a: “Nang, kan LALPA leh kan Pathian, ropuina te, chawimawina te, thiltihtheihna te chu hmu tlak i ni e; nangin engkim i siam a, i duh avanga awm leh siam an ni bawk si a” tiin (*Thup. 4:11*).

Israel mîte thlarau nun pho lang a, an rilrû-a awmte chibai bûknaa puang chhuaktu *Sâm* pawhin thil siama a nihna chu chibai bûkna laimu berah a dah hi tihpalh thil a ni lo. Hebrai tawnga chibai bûkna an sawina (*hishtakhaweh*) thumal, *Sâm* bû-ah ringawt pawh wawi 25 lâi lang hi chibai bûkna chungchâng sawinaah zêl hmuh a ni a. *Sâm* ziaktu ngaihdânah chuan Pathian chu min siamtu a nih avângin amah chauh hi chibai bûk theih awm chhun chu a ni (*Sâm 100:3*).

Bible-a chibai bûkna thu kan hmuh hmasak ber hi Pathianin khawvêl a siam chhân lêtna a ni a. Chibai bûkna chu mihring thiltih hmasak ber ni mai lovin, Pathianin khawvêl a siam avanga mihringin a chhân lêtna hmasa ber pawh a ni bawk (*Gen. 2:3*). Hei vâng hian vântirhkoh pakhatna thuchah pawhin, Sabbath chu a nihna ang ang sawi chiah lovin, Thu Sâwm Pêka a inziah dân angin (*Exod. 20:8–11*), Pathian chibai bûk tûra sâwmna atân a hmang a ni. Chutiang chuan Sabbath atanga Sabbath leh thlengin mihringte hian thil siam a nihna chu chibai bûkna chhan bulpui ber a ni tih an hre reng dawn a ni. Ellen G. White-i chuan heti hian a lo sawi a: “Thil siam hriat rengna a nihna anga Sabbath pawimawhna chu Pathian chibai bûk tûr kan nih chhan dik tak min hrilh vâng a ni.”—*Indona Ropui*, p. 437.

Ngaihtuah teh: Eng vângin nge chibai bûkna leh khawvêl siam a nihna hi a inzawm tlat le? Chibai bûkna hi mihringten thil siam

a nihnaah rinna kan ngat a ni tih kan tihlanna a nih sî chuan engtin nge chumi hriatna chuan Pathian chibai kan bûknaah mi a kaihhruai ang? Eng tiang kawngin nge ni sarìh ni Sabbath hi thil siam chhân lêtna a nih? Engtin nge Sabbath leh thil siam inlaichîn tawna hian Sabbath-ah ngawng a neih?

III. Rorêlna leh thil siam thuchah chu (*Thuhritlu 11:1, 6; 12:13, 14; Thupuan 14:6–13*)

Rorêlna leh thil siam sawi zawm a ni hian Inremna Nî a kâwk a, chu chu hêng thil pahnihte nêna inzawmna nei awm chhun kût niin, Daniela 7-in a sawi hi min hriatthiamtîr a. Israel mîte ngaihđân chuan, Inremna Nî hian khawvêl tlen fâina entîrin, chu chu khawvêl siam thar lehna dik tak a ni bawk. Inremna Nî chungchâng sawina, Leviticus 16-ah chuan “an سوالنا zawng zawngte” tih tawngkam hi thupui ber a ni a (*Lev. 16:21, 22, 30*). Inremna Nî chu Israel mîte سوال “zawng zawng” ngaihđam a nih hun a ni a. Chu nî chu Israel mi zawng zawngte leh biak bûk pum pui tlen fâi vek a nih hun awm chhun a ni bawk (*Lev. 16:17, 33, 34*).

Hetianga thil siam thar leh a nih thû hi rilrua hre chungin Daniela chuan ni 2,300 tâwpa Inremna Nî hnuhnung ber lo thleng tîr sawina atân “zîng leh tlâi” tih tawngkam a hmang a (*Dan. 8:14*). Hmun danga hê tawngkam a lanna awm chhun chu thil siam thu sawina chiah hi a ni (*Gen. 1:5, 8, 13, 19, 23, 31*). Mahse kan châng thlan kha chuan thil siam thu ringawt a kâwk bîk lo. Vên te, lei te, tuifinriat te siam a nih thû bâkah, nunna tuikhur a sawi lang ta bawk hian awmze pawimawh tak a nei a. Nunna tuikhur chuan Berâm Noin a mîte a hruai luhna hmun Jerusalem Thar chu a entîr (*Thup. 7:17, 22:17*). Chutiang bawk chuan, Ezekiel a bû-ah pawh hian Jerusalem Thar chu tuihna tamna hmun nia sawi a ni (*Ezek. 47:1–12*).

Vântirhkoh pathumte thuchah awmna Bible châng a thil ngaihnaawm deuh dang pakhat chu, Thupuan Bû leh Daniela 7 hi inzûl tak nia a târ lang hi a ni. Thupuan Bû a vântirhkoh

pathumte thuchah kan hmuh hi Daniela lehkhhabua rorêlna kan hmuh nê a inang hlê a. A bîk takin, vântirhkoh pathumte thuchah inziahna hi Daniela bûa rorêlna inziahna a awmna hmun angah khân a awm vê a, ramsa palîte lo chhuah hnû, mihring Fapa lo lan hmâ sî-ah dah a ni (*Thup. 13:2–18; Dan. 7:1–8; 7:13, 14; Thup. 14:14*). Hei hian lei chungâ vântirhkoh pathumte thuchah puan darhna hi vâna Inremna Nî lo thleng tûr nê a inzûl a ni tih a tilang.

Sawi ho tûrte:

- ❶ Mihringten leia vântirhoh pathumte thuchah a puan darhna leh vâna Inremna Nî hman a nih tûr thu inzûl hian zirlâi engte nge min hrilh?
- ❷ Tâwpna hun hi Inremna Nî a ni tih thuchah hi eng nge ni a awmzia?
- ❸ Eng vângin nge Johana hian mi dangin an hman ve zen zen loh, “tuihnâte” tih ãawngkam a hman bîk?

RAHBI 3—A taka nunpui tûr

ZÎRTÎRTÛTE TÂN BÎK: Tlanna/Inremna Nî chu kan hmang mêk a ni tih thu sawi hi thil awlâi tak chu a ni dâwn lo. Tlanna Nî nihphungte leh ziarângte chu sawifiah la. Hê thu hlu takin zirlâi min hrilhthe chu târ lang bawk ang che. Daniela 12:12 hi ngun takin chhiar la, tichuan Inremna Nî hi hlimna nî a nih dân sawi ho rawh u.

Ngaihtuah zui tûr/a taka nunpui tûr zawhnate:

- ❶ Eng tiangin nge Inremna Nî thuchah hian Kristiante nî tin nun dânah nghawng a neih?
- ❷ Hê thuchah hi hrehawm tuara nunga, engkim chân vek tûra inphûtna a ni em? I chhânna chu sawifiah la.

RAHBI 4—Borwak siam rawh

ZĪRTĪRTŪTE TÂN BĪK: Biak bŭk chungchâng leh Inremna Nŭ-te hi thurin hriatthiam harsa tak leh mi dangte hnêna hrilhfiah pawh awl lo tak mai a ni a. Kohhran member-te chu sawi loh, pastor-te zînga tam tak pawhin hrilhfiah an huhphurh êm êm a ni. Hêng thŭte hi thurin nghet bur angin sawi lo la. Mi dangte tâna hriat belh châkawm tak leh an nuna tla na tŭr zâwnga hrilhfiah dân tŭr ngaihtuah ang che.

Tih tŭrte:

- ❶ Biak bŭk lemziak emaw, a theih phei chuan thing leh hmanraw danga siam rawn keng ang che.
- ❷ In khua/vêngah Juda-te inkhâwmna in synagogue a awm a nih chuan tlawh ula. An inkhâwm dânna in rilru khawih deuhthe chu sawi ho ang che u.